

氣故陰分虛熱者宜之、今本邦專用黃雌鷄者、黃者土色、雌者坤象、坤者土主脾胃、土者爲萬物之母、脾胃者爲五臟之主、先保養脾胃之土、脾胃實則心肺肝腎俱受保養、土實則木火金水皆得其處、故以養脾胃爲本矣、或疑之曰、本邦以禽類爲食者多、然唯以雞爲脾胃之補何哉、予曰、諸禽皆有一二之性、入一二之臟腑、故以所主爲用、雞有五色、以入五臟、然丹白黑青雖有各治、而不得精明、唯黃入脾胃、所治用最有驗、於是專用黃者、朱丹溪所謂鷄屬土者、當指此鷄、而發他鷄不得侔此亦此之謂也、今用雌不用雄者、黃雌氣和者不烈、黃雄氣烈而不和、氣烈者不宜脾胃、氣和者宜脾胃而已、○中

雞屎白雄鷄屎乃有白、臘月取之、烏骨者更良、內經曰、鷄矢也、氣味微寒無毒、主治諸風傷寒下氣消積通大小便、療心腹鼓脹、破癥瘕解金銀蜈蚣蚯蚓毒、○中

烏骨鷄肉氣味甘溫無毒、本草主治女人諸病一切虛損、及久無子者宜用之、或補男子虛勞羸弱遺精陰痿等症、李時珍曰、有白毛黑者、但觀鷄舌黑、則肉骨俱烏、入藥更良、毛斑毛者、有肉白骨烏者、骨

發明、烏骨者受水木之精氣、故入肝腎二經之血分、男用雌女用雄、專主婦人之病、古人製烏鷄丸是也、以治婦人諸病、就中久無子者服此丸久則螽斯說焉、今本邦試之者多矣、

〔和漢三才圖會原禽同書〕 雞鷄 嬌七咤音書 燭夜 和名加介 又云久太加介 又云木綿附鳥

云庭鳥○中

按雞家畜之馴於庭、因稱庭鳥、又稱家雞、以別野鷄、其種類甚多、尋常雞俗呼名小國能鳴告時、而丑時始鳴者稱一番鳥、寅時鳴者稱二番鳥、人賞之、丑以前鳴者爲不祥、俗謂之宵鳴、所謂荒雞盜鷄之類矣、呼鷄重言之聲曰羽音 祀俗云止止止、

蜀雞俗云唐丸 形大而尾短、其中有冠如大鋸齒者、呼曰大鋸、初自中華來、爲鬪雞最強、
逞羅雞之夜、形大於蜀雞、而尾殊微少、大抵高二尺餘、肩張脰大距尖而長、身毛多兀而冠小、性勁剛能鬪、雖倒不欲逃、是初自逞羅來焉、